

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» մարտի 2015թ.

N-----Ա

ՈՐՈՇՈՒՄ

ԵՐԵՎԱՆ ՀԱՄԱՅՆՔԻ ՄԵՓԱԿԱՆՈՒԹՅՈՒՆ ՀԱՄԱՐՎՈՂ ԲՈՒԶԱՆԴԻ ՓՈՂՈՑԻ Հ.33/2 ՀԱՄՅԵՈՒՄ ԳՏՆՎՈՂ ՈՉ ԲՆԱԿԵԼԻ ՏԱՐԱԾՔՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, 209-րդ հոդվածի 3-րդ կետով, Հայաստանի Հանրապետության հողային օրենսգրքի 87-րդ հոդվածի 1-ին և 3-րդ կետերով, Երևան քաղաքի ավագանու 2014 թվականի դեկտեմբերի 23-ի «Երևան քաղաքի սեփականություն համարվող գույքն օգտագործման տրամադրելու և օտարման 2015 թվականի ծրագրի վերաբերյալ» հ.270-Ն որոշմամբ հաստատված ծրագրի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին Երևան համայնքի սեփականությունը համարվող Բուզանդի փողոցի հ. 33/2 հասցեում գտնվող էլեկտրաէներգետիկայի և կաթսայատան շենքից (անշարժ գույքի սեփականության /օգտագործման/ իրավունքի գրանցման 02.03.2010թ. հ.2277777 վկայական) «Գրիար-Մպասարկում» սահմանափակ պատասխանատվությամբ ընկերությանը անհատույց օգտագործման իրավունքով տրամադրված 225.2 քմ մակերեսով նկուղային տարածքը և 1-ին հարկի 106.6 քմ մակերեսով հատվածը (կաթսայատան համար նախատեսված մասը) սեփականության իրավունքով անհատույց օտարել (նվիրել) «Գրիար-Մպասարկում» սահմանափակ պատասխանատվությամբ ընկերությանը:

2. Ընդունել ի գիտություն, որ սույն որոշման 1-ին կետում նշված ոչ բնակելի տարածքի օտարման արդյունքում «Գրիար-Մպասարկում» սահմանափակ պատասխանատվությամբ ընկերությանն է անցնում Երևան համայնքի սեփականություն համարվող, Բուզանդի փողոցի հ.33/2 հասցեում գտնվող էլեկտրաէներգետիկայանով և կաթսայատանով ծանրաբեռնված հողամասի նկատմամբ ընդհանուր բաժնային սեփականության իրավունքը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՈՒԶԱՆԴԻ ՓՈՂՈՑԻ Հ.33/2 ՀԱՍՑԵՈՒՄ ԳՏՆՎՈՂ ՈՉ ԲՆԱԿԵԼԻ ՏԱՐԱԾՔՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

«Գրիար-Սպասարկում» սահմանափակ պատասխանատվությամբ ընկերությունը դիմել է Երևանի քաղաքապետարան՝ Երևան համայնքի սեփականությունը համարվող Բուզանդի փողոցի հ.33/2 հասցեում գտնվող էլեկտրաէներգետիկայի և կաթսայատան շենքից «Գրիար-Սպասարկում» սահմանափակ պատասխանատվությամբ ընկերությանը անհատույց օգտագործման իրավունքով տրամադրված 225.2 քմ մակերեսով նկուղային տարածքը և 1-ին հարկի 106.6 քմ մակերեսով հատվածը (կաթսայատան համար նախատեսված մասը) սեփականության իրավունքով անհատույց օտարելու (նվիրելու) խնդրանքով:

Բուզանդի փողոցի հ. 33/2 հասցեում գտնվող էլեկտրաէներգետիկայի և կաթսայատան շենքի 225.2 քմ մակերեսով նկուղային տարածքը և 1-ին հարկի 106.6 քմ մակերեսով հատվածը (կաթսայատան համար նախատեսված մասը) համաձայն անշարժ գույքի սեփականության /օգտագործման/ իրավունքի գրանցման 02.03.2010թ. հ.2277777 վկայականի տվյալների՝ հանդիսանում է Երևան համայնքի սեփականություն:

Երևանի քաղաքապետի 03.07.2006թ. հ.1069-Ա որոշմամբ Բուզանդի փողոցի հարող տարածքում էլեկտրաէներգետիկայի կառուցելու նպատակով «Երևանի կառուցապատման և ներդրումային ծրագրերի իրականացման գրասենյակ» ՊՈԱԿ-ին հատկացվել է 300.0 քմ մակերեսով հողամաս: Որոշմամբ սահմանվել է, որ շինարարական աշխատանքների ավարտից հետո հողամասի հողօգտագործող պետք է ճանաչել «Հայաստանի էլեկտրական ցանցեր» ՓԲԸ-ին և գույքն անհատույց հանձնել ընկերությանը՝ շահագործման իրավունքով:

«Գրիար» ՓԲԸ-ն 2008 թվականին դիմել է Երևանի քաղաքապետարան, խնդրելով վերոնշյալ 300,0 քմ մակերեսով հողամասում էլեկտրաէներգետիկայից բացի կառուցել նաև կաթսայատուն և հայտնել է իր պատրաստակամությունը կառույցների նախագծման, նախագծերի փորձաքննության, շինմոնտաժային աշխատանքների, հեղինակային հսկողության, տեխնիկական հսկողության և աշխատանքների ավարտից հետո նաև ավարտական ակտերի համար նախատեսված տեղական տուրքերի ֆինանսական ծախսերը ընկերության միջոցների հաշվին իրականացնելու հարցում, որը Երևանի քաղաքապետի 08.12.2008թ. հ.5793-Ա որոշմամբ բավարարվել է:

«Երևանի կառուցապատման և ներդրումային ծրագրերի իրականացման գրասենյակ» ՊՈԱԿ-ի և «Գրիար» ՓԲԸ-ի միջև կնքվել է նախագծային աշխատանքների կատարման, կապալի աշխատանքների կատարման, հեղինակային հսկողության ծառայությունների մատուցման և տեխնիկական հսկողության ծառայությունների մատուցման պայմանագրեր: Պայմանագրային պարտավորությունները ընկերության կողմից կատարվել են և հանձնման-ընդունման ակտով հանձնվել են «Երևանի կառուցապատման և ներդրումային ծրագրերի իրականացման գրասենյակ» ՊՈԱԿ-ին և ժողովի նիստումստեղծումում Է Երևանի համայնքի սեփականությունը համարվող:

Երևանի քաղաքապետի 16.07.2010թ. հ. 3172-Ա որոշմամբ՝ Բուզանդի փողոցի թիվ 33/2 հասցեում գտնվող 225.2 քմ մակերեսով նկուղը և 1-ին հարկի 106.6 քմ մակերեսով հատվածը (կաթսայատան համար նախատեսված մասը) անժամկետ անհատույց օգտագործման իրավունքով հանձնվել է «Գրիար» ՓԲԸ-ին՝ այն ըստ նպատակային նշանակության օգտագործելու նպատակով, իսկ 1-ին հարկի 46.5 քմ, 27.7 քմ և 8.7 քմ մակերեսներով հատվածները (Էլեկտրաէներգակայանի համար նախատեսված մաս) մակերեսներով տարածքներն անժամկետ անհատույց օգտագործման իրավունքով հանձնվել է «Հայաստանի էլեկտրական ցանցեր» ՓԲԸ-ին՝ այն ըստ նպատակային նշանակության օգտագործելու նպատակով:

Հետագայում Երևան քաղաքի ավագանու 2012 թվականի հունիսի 26-ի հ. 469-Ա որոշմամբ՝ «Հայաստանի էլեկտրական ցանցեր» ՓԲԸ-ին անժամկետ անհատույց օգտագործման իրավունքով հանձնված հատվածները սեփականության իրավունքով անհատույց օտարվել է /նվիրվել/ ընկերությանը:

Երևանի քաղաքապետի 25.01.2011թ. հ. 187-Ա որոշմամբ դադարեցվել է «Գրիար» ՓԲԸ-ի անհատույց օգտագործման իրավունքը Բուզանդի փողոցի թիվ 33/2 հասցեում գտնվող 225.2 քմ մակերեսով նկուղի և 1-ին հարկի 106.6 քմ մակերեսով հատվածի (կաթսայատան համար նախատեսված մասը) նկատմամբ և այն անժամկետ անհատույց օգտագործման իրավունքով հանձնվել է «Գրիար-Սպասարկում» ՍՊԸ-ին:

Ելնելով վերոգրյալից և հաշվի առնելով այն հանգամանքը, որ կաթսայատունը և էլեկտրաէներգակայանը կառուցվել են «Գրիար» ՓԲԸ-ի միջոցների հաշվին, և փաստորեն կաթսայատան սպասարկումը, վերանորոգումը, շահագործումը և անհրաժեշտության դեպքում սարքավորումների փոխարինումը ամբողջությամբ պետք է կատարի ընկերությունը, ինչպես նաև այն, որ կաթսայատունը սպասարկում է Ամիրյան փողոցի մի շարք բազմաբնակարան և ստորաբաժանված շենքերը՝ ապա նպատակահարմար է գտնվել փոխանցել գույքը այն շահագործող կազմակերպության տնօրինությանը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ
ԲՈՒՋԱՆԴԻ ՓՈՂՈՑԻ Հ.33/2 ՀԱՍՑԵՈՒՄ ԳՏՆՎՈՂ ՈՉ ԲՆԱԿԵԼԻ ՏԱՐԱԾՔՆ
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող
Բուզանդի փողոցի հ.33/2 հասցեում գտնվող ոչ բնակելի տարածքն անհատույց օտարելու
մասին» որոշման նախագծի ընդունման կապակցությամբ Երևանի բյուջեի եկամուտներում
և ծախսերում փոփոխություններ չի առաջանում:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ
ԲՈՒՋԱՆԴԻ ՓՈՂՈՑԻ Հ.33/2 ՀԱՍՑԵՈՒՄ ԳՏՆՎՈՂ ՈՉ ԲՆԱԿԵԼԻ ՏԱՐԱԾՔՆ
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող
Բուզանդի փողոցի հ.33/2 հասցեում գտնվող ոչ բնակելի տարածքն անհատույց օտարելու
մասին» որոշման նախագծի ընդունման առնչությամբ այլ իրավական ակտերի ընդունման
անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ